


Supervizor za Brčko Distrikt pozvao Skupštinu Brčko Distrikta da odmah usvoji budžet



Prvi zamjenik visokog predstavnika i supervizor za Brčko Distrikt, Bruce G. Berton, sastao se danas sa šefovima klubova Skupštine Brčko Distrikta kako bi ih pozvao da usvoje budžet Distrikta za 2016. godinu.

Supervizor Berton je podsjetio da iako privremeno financiranje omogućava kontinuirano funkcioniranje institucija Distrikta, ipak predstavlja vanredni instrument kojim se ograničava iznos sredstava, ali i korištenje prihoda, te privremeno financiranje kao takvo ne može biti alternativa usvajanju budžeta.

„Svako dodatno kašnjenje s usvajanjem budžeta bi se moglo direktno odraziti na mogućnost institucija Distrikta da ispune svoje zakonske obaveze, uključujući i obavezu organiziranja lokalnih izbora u Distriktu. To je neprihvatljiva prijetnja demokratskim pravima građana. Kao najviša zakonodavna institucija, Skupština Brčko Distrikta ima obavezu da osigura propisno funkcioniranje institucija Distrikta, a ne da onemogućava njihov rad. Pozivam poslanike da se odgovorno ponašaju nakon osmomjesečnog zastoja i da odmah usvoje budžet“, rekao je supervizor Berton.